



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Articulus II. An duo possint simul unum baptizare.

urn:nbn:de:hbz:466:1-42545

lem parentem velle per hoc agnoscere in Prædicante potestatem spirituales, quia circumstantiæ coactionis simul loquuntur, & dicunt tantum requiri, tanquam validè potestatem baptizare. *Ad secundam*, consequenter dicendum esset, non peti ab eo ceremonias, sed tantum permitti, adeoque in eis non communicari; peti autem solum Baptismum pro tali necessitate, ut peti posset in necessitate extrema infantis, si nullus nisi Prædicans eum baptizare posset, quamvis prævideretur adjecturus ceremonias suas. Et in utroque casu maneret obligatio petendi à Sacerdote catholico suppleri ceremonias Ecclesiæ, uti fatetur *Pignat. Conf. 55. n. 8.*

Dices. Ergo etiam potero ob metum mortis eum calvinistis habentibus suam scenam stare, & ore admittere panem à Prædicante. *R.* n. seq. tum quia certum mihi est, Prædicantem non esse, nequidem validum Ministrum cœnæ Domini; tum etiam, quia omnes prudenter judicarent, me directè communicare in illa cerimonia cum illis: nec me juvaret contraria interna intentio, uti non juvat illum, qui ante idolum thus iujiceret igni, intendens se illo odore pascere.

Hæc dicta pro excusatione ejusmodi parentum catholicorum relinquo definienda sapientiore aliorum judicio.

ARTICULUS II.

An duo possint simul unum baptizare.

283. **R** Esp. I. Si alter applicet materiam, alter formam, nullus erit Baptismus, quia dicens se ab-

abluere, cum non abluat, formam habet falsam, etiamsi usurpet Græcorum, baptizetur servus Christi, vel quæ putatur illi æquivalere, Baptizet te Christus, subintelligitur enim, per me; alioqui si excludatur persona Ministri, ut sensus sit, Baptizet te Christus, & non ego, sive non per me, forma nulla est. In casu tamen necessitatis, posse sub conditione ita Baptismum conferri, ut v. g. mutus formam nesciens ablueret, cæcus autem formam pronuntiaret, docet Hurt. a. 2. diff. 6. Additque debere talem elapso periculo iterum sub conditione baptizari. V. Escob. Fill. t. 2. ca. 4. Dta. p. 5. t. 3. R. 26. ex Charvil. Marsil. &c. Bon. to. 1. de Bapt. d. 2. q. 2. p. 4. n. 23. Layman l. 5. t. 2. c. 7.

Resp. II. Si plures Ministri singuli abluant & formam pronuntient, graviter peccant contra ritum Ecclesiæ: De valore sic solet distingui, 1. Si quilibet intendit baptizare dependenter ab alio, ut causa particularis, invalidè baptizant, sive singuli dicant, Ego te baptizo; sive, Nos te baptizamus, quia forma, cujus sensus censetur esse absolutè & independentè baptizare, non co-baptizare, est falsa. 2. Si quisque, peccet intendat baptizare independentè ab alio, validè baptizat, quia omnia requisita ponit, ut patet à simili in Missa ordinationis, quâ Sacerdotes noviter ordinati simul consecrant cum Episcopo, dummodo simul eodem instanti formam absolvant: si autem non simul absolvant, ita tantum consecrat vel baptizat, qui prius absolvit. V. Fill. n. 72. Bon. n. 25. Lay. t. 7.

Plura circa materiam hujus Art. videri possunt apud Aversam q. 67. s. 1.

DU-